

四庫全書

集部

欽定四庫全書

集部
元詩選二集卷八

詳校官中書臣王鵬

主事銜臣徐以坤覆勘

總校官編修臣王燕緒

校對官檢討臣溫常綬

謄錄監生臣李煥霞

欽定四庫全書

元詩選二集卷八

庶吉士顧嗣立編

盧待制巨

巨字彥威汲郡人幼即穎悟日記數千言自經傳史漢諸子皆成誦其為文初若不經意徐而讀之雄辭逸氣真足以追古作者而尤工於詩一時名流多宗尚之元貞間以擬著滕王閣記受知姚牧菴薦為國史院編修官時年二十四

遷應奉翰林文字辭職省親河南及丁父憂服
闋除翰林修撰尋除待制卒嘗著藏書記云余
少年輕脫喜爽邁不樂沈靜或天日清淑時入
書室巡架而視抽所喜讀書按文疾讀校之他
人章分句析而余數十卷已過目矣雖不能窮
神入妙而欣然會心略無滯礙脩然如登千尺
之臺憑虛縱覽草木人物可指而數杳如夜入
空山秋高月朗而絲竹清越倏起數步之內無

首無尾而宮徵可辨故讀雖不多而自悟不少
至不喜讀者雖世共指以為切要而余未嘗一
過目焉蔣師文皇元風雅述其自序如此

送侍講學士鄧善之辭官還錢塘

一作送鄧善之
提舉江浙十

首

北門古深嚴論思寄籌度自非鴻才士

一作世

訓誥何由作

夫君出巴蜀文采動京洛十年掌絲綸摘藻揚景鑠荆
璞抱瑾瑜龍淵淬鋒鋦肯獻上林賦寧居天祿閣即今

觀浙江春戀睇金雀黃圖鬱紫氛絳節生

一作森

碧落依

然難為情清霜養

一作捲

飛藿

春秋嚴筆削凜若執玄鉞君獨抱遺經結髮飽剗明

剖是非心微探義理窟下視羣兒愚爭端玉正月竭來

奮直筆浩然心思竭

一作絕

王功與帝德昭昭日月揭胡

為厭詞林南

一作擬

欲觀溟渤榮華若浮烟汗簡青不滅

詞林富聲華幾人得精悍悠悠三百年篇翰孰承續夫

君清廟器裸薦盛圭瓚五就惜鯨纓九旂載雲罕依依

風向翔忽忽月新滿冷然時雨情

一作晴

短章不可斷

風雨妒芳華稂莠深嘉穀天地豈不仁盛德稟命獨明
廷萃羣英四門延穆穆既卜渭水釣又起傅巖築聲華
何爰業衆輻輳一轂鑿坡儼清韻碩人歌在軸願言往
從之星駕命宜夙豈知彼玄鳥戢翼辭雲屋幸無素絲
悲庶免窮途哭

離離天星高皓皓雲月光候鴈過楚澤蟋蟀鳴中堂天
時諒難測徒然多感傷念子去意遠沈憂結衷腸憶昔

金匱要略卷八
初奉歡露白春蘭芳清尊罷新製妙趣深濠梁飛景急
西匿川流浩湯湯玄髮淒歲晚木脫天雨霜蔓草豈容
惜松栢在高岡

翰林子元子武庫森戈矛英聲邁千古逸韻橫九州與
君契金蘭投分何綢繆清和謝夷惠典刑追韓歐坐令
人文煥允塞昭王猷念君獨遠邁寥落行人愁木瘦楚
山曉風靜寒江流何當駕飛車却憶昆侖丘塵埃滿腥
腐朝莫同蜉蝣

賜谷上寒日影射扶桑枝瞬息及中天流光迅難持人
生百年內昂昂何所施孤鴻東南征浮雲西北馳可憐
萬感身會合須臾期安得弄明月皎皎遠憂疑折花笑
蓉浦蕩槳江潢涯優游以卒歲身名良不隳

游雲蒼鱗宮闔闔不可叫徒令虎豹闕日月近輝耀濛
濛八表塵隱隱萬景竅泯然一歸途伊誰執其要栖栖
聖者徒禮樂懷幻眇閉門忍朝饑風雨深蓬蓼今年江
海去光景短螢燭禾黍滿故墟閭巷餘返照揮絃送飛

鴻古今入長嘯

昔我適吳會日夕承歡顏高堂樂起舞綵服何編欄東
海洶波濤西湖翠烟鬟北歸餘十年謬蹟通朝班家禍
一朝集音容何可攀悲號蒼穹迴往事思日艱命窮時
亦迫志弱體自孱安得騰化術從君超人寰執手不忍
訣臨風涕空潛

我留君勿思君歸我當憶十年膠在漆一旦各異域吳
江激微波震澤起暝色鷗鵬隔天地鴈鷺雜南北念我

平生友愴恨摧胸臆獨看燕山雲歲莫日初昃永言長
風翔情寄南風翼

和閻子濟韻二首

愁憂無端來有巧不容措平生兔三窟挂網不知懼君
子事明哲為善天下妒俯仰無愧怍於以理世務禍罹
忽然至不幸我豈惡所以終百年任運恒優裕哀哉古
屈子死豈忠貞誤委質復潔身讒口焉得汙

神仙冰雪姿方大難企覲清高絕塵上亦藉波濤險世

金史卷八
卷八
人空想像年歲虛荏苒秦皇與漢武鬢雪不可染猖狂
遺餘恨略得筆舌貶君看唐虞聖聞君在猶斂

題張國綱理問塞河詩卷

導河積石堯解憂滔天之水成安流何年決齧半南土
清淮怒卷黃雲愁宣房既築漢歌喜越巫抱壁神光起
害除梁楚二渠成海溢西南九河駛後來羣策知誰賢
何人捧土能防川彭城樓堞照黃土河平堰石愁金天
吾皇放勲超萬古澤世餘功平水土睢陽塞決付賢侯

解變狂瀾作安堵於今此功寧復有從容小試經綸手
千年遺愛在邦民春風吹水濃如酒

送李應中檢校江西

故人昔御南風來今年便逐輕鴻去短亭古堠不記人
依舊青天覆長路馬鳴日落風蕭蕭九月飛霜摧柳條
出門相顧仰天笑胸中直氣干雲霄莫恨江山連百越
自有清游醒詩骨都將萬事付無心徐孺亭前釣秋月
讀王維夷門歌盡述侯嬴朱亥之事今春侍大人

官汴省得以周覽城郭而遺臺廢圃往往瓦礫山
積所謂夷門者不可復識其處而嬴亥遺迹無知
之者千數百年於此矣用其意作歌續其後大德
甲辰歲也

憶昔詞客歌夷門七雄爭戰紛如雲信陵盜符侯嬴死
鐵鎚擊碎邯鄲軍後來誰震闕河響五季相乘如反掌
當年意氣作飛烟空餘朽骨埋黃壤宋家九葉二百秋
仁涵義染還生羞壽山穹隆九州哭獨有遺民恨銷骨

易水南流汴水清
黃河不洗中原兵
天戈一指八紘舉
四海無波日月明
雄臺屹立天垣近
夔皋繼出扶皇運
桑陰蔽日麥連雲
坐看龔黃清列郡
我來喜遇春如海
瓦礫生烟變光彩
紅塵撲面人不知
獨過屠門弔朱亥

題四皓圖

姬昌聖瑞胤厥祖
泰伯仲雍逃荆蠻
坐令周歷過所卜
高風千古誰追攀
惠皇畏廢出奇計
四老昂藏趨殿陛
呂宗覆盞鼎再安
玉璽神光歸代邸
趙王枯冢生秋蓬

穀城黃石埋幽宮空山不聞紫芝曲白雲影沒南飛鴻
題金顯宗墨竹

天人賦物如天工墨光灑竹回天容千年勁玉寒不死
清波照響悲吟龍烟凝草綠承華殿鬼冷秋霜月如練
長毫寫影竹不知子夜歌殘空記面春雲一散風吹塵
茫茫海色翻青鱗金仙淚痕愁漢月尚憐玉軸隨時新
夢跨茅龍上天去女媧補天天不語海綃畫鸞生翠羽
踏破銀灣濕河鼓射龍江深春不度風色蕭蕭怨千古

行盧溝之南書所見

幽薊忽如九天上俯視左右分秦齊萬里南來太行遠
蒼龍北峙飛雲低岡回一崦花柳暗川平百里風烟迷
丈夫出門自有樂人生何必常栖栖

九月十日接駕回因遊香山寺飲於西厓之上酒
酣呈主人

迎鑾北去迷風沙看山西來走烟霞蒼山朝含太古色
長松百尺凌雲斜傑觀重樓炫金碧笑拍闌干倚天立

出門却得望東山巖樹青林亂秋色痛飲崩厓鯨吸川
徑欲醉倒秋風前但恨浮雲蔽白日使我不得瞻青天
忽忽今年負重九樹老山空復何有莫將身世媿淵明
縱有黃花無此酒

送友

晴雲半逐雨雲低九陌無塵共落暉滿目秋蕪悲澤國
一聲烟鶴到巖扉西風帆飽隨天遠殘月砧寒入夢微
路隔蓬萊鼇背闊劒光長拂海濤飛

送侯尊師

白鴈風高錦樹空
寒郊落日滿飛蓬
心遊太始鴻濛外
命寄園穹象緯中
京國輪蹄殊擾擾
烟霄岐路漫怱怱
青雲別後仙山遠
何日丹砂問葛洪

奉賀李秋谷平章宿西郊

春生騎吏飛塵外
更覺高情遠世紛
酒泛泉香清易冽
夢侵仙骨冷難矐
珠生滄海還驚月
鶴舞層霄不見雲
無象太平今有象
共欣良相遇明君

題華山太古雪贈人

太古雪
石名

往時天大風能吹華山裂墜此一拳石咸云太古雪粵
自開闢初雲氣所凝結已經六萬歲變化同截業望之
色正白表裏共澄澈塵土不能浣光彩耀日月願君勿
愛此持以獻金闕回中避暑時可用清毒熱

李宣慰京

京字景山河間人蚤歲起家掌故樞府不數年
遂長其幕遽坐廢大德五年春奉命宣慰烏蠻

尋陞烏撒烏蒙道宣慰副使佩虎符兼管軍萬戶悉其見聞為雲南志略四卷三年而報使因以其書上之即移病歸鄉里卒景山於書酷好老子獨慕白樂天之為人平生為詩凡數百篇而雲南諸作尤為世所傳誦總題曰鳩巢漫稿鳩巢其自號也袁伯長謂其詩質而不倨綺而不踰襲衆芳之英融寄於窮厓絕域之地虞伯生謂雲南之詩雖悲宕動人而無怨尤忿厲之

氣其所存庶幾不謬於古人余觀景山之自敘
曰其詞或傳幸得托於中州人士之末其自命
可知已

金沙江

雨中夜過金沙江五月渡瀘即此地兩厓峻極若登天
下視此江如井裏三月頭九月尾烟瘴拍天如霧起我
行適當六月末王事役人安敢避來從滇池至越雋畏
塗一千三百里干戈浩蕩豺虎穴晝不遑寧夜無寐憶

昔先帝征南日，簞食壺漿竟臣妾。撫之以寬，來以德。五十餘年為樂國，一朝賊臣肆胸臆，生事邀功作邊隙。可憐三十七部民，魚肉豈能分玉石。君不見南詔安危在，一人莫道今無賽典赤。

出使雲南留別都一作京城諸公

蒼龍雙闕鬱岩峩，曾侍鵷鸞趁一作赴早朝。往事已隨塵

袞袞，虛名贏得鬢蕭蕭。長林豐草空相憶，瘴雨蠻烟苦見招。借問都門門外柳，為誰留著最長條。

此詩見元音雲南通志為

李村

作

卷八

過七星關

七星關上一回頭遙想鄉關路阻修欲倚雲山攀北斗
不辭鞍馬過南州兩崖斬壁連天起一水漂花出洞流
聞道清時無瘴癘行人經此不須愁

過牂牁江

歸歟何日是真歸慙媿山林與願違垂老八十餘里謫
回頭四十九年非窮邊野水黃雲渡夢裏田家白板扉

珍重沙禽頻見下也應知我久忘機

初到滇池

嫩寒初褪雨初晴人逐東風馬足輕
天際孤城烟外暗雲間雙塢日邊明
未諳習俗人爭笑乍聽侏離我亦驚
珍重碧雞山上月相隨萬里更多情

滇池九日

今日真成我重九誰言風俗愴吾真
可無白酒招佳客尚賴黃花似故人
終老柴桑聊自使三年瘴海未全貧

不須更上高城望野樹寒鴉恨更新

越雋元日

雞人唱罷曉沈沈仙仗遙分翠殿深
三島樓臺龍虎氣五雲絲竹鳳鸞音
普天率土皆臣妾航海梯山總照臨
今日南荒瞻北闕不勝惆悵淚霑襟

元日大理

華馬國裏逢冬至點蒼山下見新年
飲冰嚼蘂將誰訴斷梗飛蓬自可憐
洱水北來明似鏡神州東望遠如天

明年此日知何處醉撚寒梅一泣然

天鏡閣

檻外千峰插海波
芙蓉雙塔玉嵯峨
銀山殿閣天中見
黑水帆檣鏡裏過
芳草滄洲春思晚
野雲孤鶴客懷多
共誰一夜山堂月
洞口參差長薜蘿

點蒼臨眺

水繞青山山繞城
萬家烟火一川明
鳥從雲母屏中過
魚在鮫人鏡裏行
翡翠呆愚籠海氣
旃檀樓閣殷秋聲

虎頭妙墨龍眠手百窟生綃畫不成

雪山

麗江雪山天下絕積玉堆瓊幾千疊足盤厚地背摩天
衡華真成兩丘垤平生愛作子長遊覽勝探竒不少休
安得乘風凌絕頂倒騎箕尾看神州

文太常矩

矩字子方長沙人盧翰林摯廉訪湖南辟署書
吏敬其才辯遇之殊常人大德間授荆湖北道

宣慰司照磨兼承發架閣公卿聞其名留補刑
部宗正轉秘書省校書郎延祐間陞著作郎改
翰林修撰同知制誥兼國史院編修官至治初
議遣使持詔諭安南國被選為奉議大夫禮部
郎中佩黃金符奉使安南復命進太常禮儀院
判官卒於京師趙松雪嘗贈詩云我友文子方
其人美如玉文章多古意清切綠水曲吳草廬
志其墓稱其文章歌詩雖疎宕尚氣有陳事風

賦之志焉惜其未傳而遽止也

和甯致陶幽懷

時雨息氛翳高林嘒風蟬
端居愜孤尚圖書靜當軒涼
颼薄櫺戶微爽生簡編客來
聊與樂客去自復眠徜徉
永今夕庶以全吾天

題中慶學廟壁二首

世皇昔仗鉞汎埽開八垠茲
方邇彭濮同氣皆吾人祥
曦洞幽闇化雨清炎氛哀爾
窮髮黔照以天地春甍卉

襲冠帶鳥語同書文邇來六十載含哺知尊親人心異
禽犢適性非難馴吾聞古王政不以土役民季世乃夸
姦畦町逾紛紛七縱昧柔遠降女傷王尊吾元有至德
萬古欽皇仁

素王萬世師國經有常祀滇南古荒服薦裸豈異禮王
宮正南面溫厲思敬止豆籩具威儀登獻何纚纚升歌
永齊商琴瑟散宮徵共言唐法曲歲久復慙陋邦何
足徵居夷聖所擬於皇人文化道大孰與比六經如日

月洞照無遠邇敘秩敦彝倫百王同一軌邈哉天何言
悠悠政如此

送馬伯庸御史奉使闕隴

聖朝啓文運同軌來無方使君起天闕崛起千仞翔修
辭陋史漢高步追黃唐乃祖尚書君樹立何堂堂昔在
帝世祖榮身事戎行風雲一朝會奕世傳芬芳矧君擢
高科有業未易量斯文繫政教治忽慎弛張世豈無勇
者舍君吾何望勿為守鉛槧局束徒苦傷

僦屋京城居去君百舉趾聞君起冠鴈僮走亦欣喜况
當遠於征無言詎能已朝風號空桑衆草日披靡河關
尚瘡痍聖度乃弘偉翳彼涵大休能不懷媿恥艱危見
臣節維持賴風紀溫言表遺忠生氣凜不死乃知烈大
夫豈獨魯連子

題楚山春曉圖

荆門雪霽江樹芳巫峽冉冉愁雲長山猿杜鵑叫落日
風纒露沐何蒼涼六龍從東來曉氣開扶桑天高雨絕

人事變解環結佩空相望渚宮西溼連三湘畫中隱隱
聽鳴榔安得置我棲其旁為君一曲歌滄浪

次元復初韻送虞伯生代祠江瀆二首

成均十載宛

一作考

遺經未識沙墩長短亭旌旆曉霞穿

化日文章秋月映華星鳥鳴春晝岷江白鵲沒天低隴
樹青四海車書今混一摩挲劒閣重鐫銘

出宿春城宿露低閨人老眼似層梯功名愧我蠅鑽紙
文采憐君玉在泥蜀道連雲春繫馬巴山踏月夜聞雞

贈言知笑瀛洲客冷落梅花日又西

贈別任毅夫御史行臺陝西

金天行秋河漢涼星軺夜起尚書郎隴山晴樹熙化日
燉煌楚道霑飛霜天邊鸞鵠意自遠草間狐兔無苦傷
大夫樹業方如此探別不用愁中腸

九疊屏

吾聞匡山雲錦九疊之勝神所栖界天絕壁雲為梯鳥
飛摩霄注壑不可到上有秦始之積雪下有歷劫之冰

澌靈岫仙巖虎豹遠綠樹杳杳青猿啼蔡元君騰空子
今何處桃花石室徧巖戶捫箕歷軫欲上去轉迷中有
神君指仙路石梁浮空來浩然啓天闕手捫五老頂足
躡香鑪烟但見飛霞笑電搖光九道疊雲錦天河中斷
摧鐵山何巖叢素浪決出崑崙巔縣流一瀉數千仞跳
珠迸出與石恣鬪却上倒作雪濤翻長松吹香纔晴霧
玉泓直下含清寒嗚呼安得南箕為杯此水為酒手攜
雲旗喚王母排獻吾君千萬壽暢皇風包九有七十二

君同不朽卻容三十六帝有外臣盡乞南山種三秀清
水黃塵一回首廬君此意今知否

郭掾郎天錫

天錫名畀以字行一字祐之別號北山丹徒人
累舉不第歷鄱江書院山長調吳江儒學教授
未赴江浙行省辟充掾史美鬚髯人呼為郭髯
畫學米南宮師事高房山得其筆法嘗往來錫
山與倪高士元鎮交最久元鎮嘗有詩題其畫

卷八
云郭髯余所愛詩畫總名家水際三叉路豪端
五色霞米顛船每泊陶令酒能賒猶憶相過處
清吟夜煮茶時至正癸卯十二月十日寫於笠
澤蝸牛廬中距天錫之歿已二十餘年矣

題宋春卿城市山林

功名身外聊復爾丘壑胸中實過之盤谷壽康懷李愿
輞川瀟灑友王維何人使氣鐵如意老子放懷金屈危
市井收聲良夜永竹風杉月亂書帷

普照寺楚山圖

白衣處士息羣機，高閣登臨送夕暉。
吳地荒涼征馬盡，

楚山空闊斷鴻飛。

一作圖

間塢影來朱戶月，落鐘聲隱

翠微。直下先人敞廬在，暮年蓮社得相依。

大年便面

疎雨灑荷氣微涼，生柳陰閒亭不受暑。
坐占清湖心無客，且罷棊有風宜披襟。
向來行路錯足底，黃埃深此意一領略。
落日孤蟬吟。

為僧作山水二首

門有方袍客圖成水墨山我非求肖似汝亦愛幽閒密
樹難分辨高雲任往還行當絕世事終老屋三間

有客被方袍合爪前致辭不獨愛公畫仍復愛公詩詩
成縱意書了此一段奇世人稱三絕公胡不自知我心
了不知晚歲聊嬉嬉向來用世心轉首成棄遺所嗟聞
道晚倏已雙鬢絲前賢去已遠來哲未可期寓形宇宙
間俛俛欲何之願誨藥石言再拜真吾師

三月十日寄了即休

白水起寒霧蒼林騰濕烟會心圖已竟假筆意難傳一
悟空中色相忘定外禪裹茶來竹院風雨落花瓣

送樂伯善赴都三首

石磴雲昏荀蕨香江城花落燕鶯忙黃金臺高地形聳
白玉堂深春日長之子顯擢神所與吾道將亨民小康
臨行握手出軟語東鄰夜雨淋槽牀

燕趙感慨鼓俠氣江湖搖落嗟虛華艱危歷盡為憂國

事業無成非戀家江光隱現魚龍窟雲海蒼茫鷗鷺沙
桃花水長三月暮片帆挾雨飛天涯

篆籀堆牀窺逸跡歌詩到耳遺古音歲華正似阮孚屐

世事真成昭氏琴翦毛肥

一作脾

羊快一飽泛駕駿骨輕

千金暄風拂帽春衫薄小憩宮牆楊柳陰

趙千里小景

鷓鴣喧柳陰生鵝樂清泚竹風遞荷氣長夏涼如水王
孫翰墨仙丹青絕紈綺何當著幽人艇子沙頭樣

元暉山

灌木蔭滄洲閒雲疊層嶽茅茨在咫尺徑路渾莫辨王
家玉印章翰墨屹冠冕悵望海嶽菴禾黍西風轉

下隍朱氏竹山圖

鳳臺東南山萬里山人晏坐何從容乾坤清氣不可遏
一夜春雷起籜龍詩家襟度蔚蕭爽百尺琅玕日應長
我欲驅車訪此君只恐山靈杜來往

題米南宮像

海嶽蒼空骨已仙
風神超邁畫中傳
凌雲健筆飛光怪
不顧人間喚米顛

客有蓄青玉荷盤
色竒古槩杯作蓮
蓬下屈為柄上覆
作蓋蓋十九點青
質而紫章匠氏刻
為蓮房殆奪天巧
故人元復初命不
肖賦詩

碧雲亭亭水天永
翠蓋翻風隨秋影
文姬團扇感初涼
露華亂落明珠冷
紫莖綠葉歌秋蘭
涉江折得烟蓬還
前緣已被專房誤
守宮血點猶斑斑
麴生解后誇竒特

倒卷滄溟供一吸太華峰高歸路遙但覺滿懷春拍拍
俗眼傲睨琉璃鍾金壘未用爭誇雄嗚呼古詩調高和
者寡擬喚杜陵醉中把

右近詩數首書遺了堂高弟林上人界缺了堂上人
方外友如天錫者情為至矣故其手蹟盈篋每
皆惜之不令有所散逸雖俗士有不及之者宜動
師拳拳不忘歐公於冥冥中也錢良右跋

明妃曲

君不見王昭君家住子規啼處邨生來近住離騷國悲
歌慷慨惡離羣紉蘭結茝佩蘅芷芝澤類面薇骨熏瑤

琴慣識九歌譜懷感遠道偏消魂

夜宿山寺

客行暫憩此禪林路繞溪流石磴陰山氣入舟知夜久
雨聲連樹覺村深寒添芋火增多事風落燈花息妄心
憶與高僧宿靈鷲月斜松頂一猿吟

贈筆工范君用

光分顧兔一毫芒徧灑春分翰墨場得趣妙從看劍舞
全身功貴善刀藏夢花不羨雕蟲巧試草曾供倚馬忙

昨過山僧餘習在小書紅葉拭新霜

次韻袁通甫

晚風索索酒初醒巖桂花開香滿庭
掩書不讀亦不寐
明暗一燈如露螢

唐摹蘭亭墨蹟

并序

唐賢摹晉右軍蘭亭宴集叙字法秀逸墨彩豔發
奇麗超絕動心駭目此定是唐太宗朝供奉搨書
人直弘文館馮承素等奉聖旨於蘭亭真蹟上雙

鈞所摹與米元章購於蘇才翁家褚河南檢校搨
賜本張氏石刻對之更無少異米老論精妙數字
皆具有之毫鉞轉摺纖微備盡下真蹟一等余家
舊藏趙摹搨本雖結體間有小異而義類良是然
各有絕勝處要之俱是一時名手摹書前後二小
半印神龍二字即唐中宗年號貞觀中太宗自書
貞觀二字成二小印開元中明皇自書開元二字
作一小印神龍中中宗亦書神龍二字為一小印

此印在貞觀後開元前是御府印書者張彥遠名
畫記唐貞觀開元書印及晉宋至唐公卿貴戚之
家私印一一詳載獨不載此印蓋猶搜訪未盡也
余觀唐摹蘭亭甚衆皆無唐代印跋未若此帖唐
印宛然真蹟入昭陵搨本中擇其絕肖似者祕之
內府此本乃是餘皆分賜皇太子諸王中宗是文
皇帝孫內殿所祕信為最善本宜切近真也至元
癸巳獲於楊左轄都尉家傳是尚方資送物是年

二月中午重裝於錢唐甘泉坊僦居快雪齋

神龍天子文皇孫寶章小璽餘半痕鸞飛離離舞秦雲
龍驚蕩蕩跳天門明光宮中春曦溫玉案卷舒娛至尊
六百餘年今幸存小臣寧敢比璵璠

趙子昂人馬圖

平生我亦有馬癖曾向畫圖求象龍曹韓已化伯時遠
昂翁筆底寫追風

李昇林泉高隱圖

為厭繁華愛好山幽棲贏得此身閒生平已足林泉興
留取高名滿世間

營丘江山招隱圖

健枝無冗筆樹外來江山洲渚蘆荻空斜陽澹烟鬢歸
鞍倦危橋短篷止荒灣業漁古云樂寧論晉宋間菰米
蓴菜羹妻兒有餘閒坐令王李輩濡毫破天慳展玩不
去手綠陰掩柴闥浩歌滄浪辭濯我塵土顏悠悠江湖
夢隱者招不還

題高尚書秋山暮靄圖

遠樹含空烟羣峯緘積翠離離鴈外檣落日來天際高
侯丘壑心點墨悟三昧我欲畫滄洲畫長枕蓬睡

題雷雨護嬰圖

轟雷欲破山急雨撼坤軸母兮抱兒歸掩耳趨茅屋畫
師巧為此村景了在目一時似可驚四郊想霑足明朝
雨霽還復來平疇却看秧鍼綠

遊焦山

砥柱中流障北溟海門對勢兩峯青鶴歸幽竇玄烟冷
龍卷山江樹石腥為爾欲招蓮社侶嗟余久負草堂靈
坡翁綸老之何處西日荒涼照野亭

元日登北固望金焦二山

弟兄常共屋三間元日登高北固山江水拍堤知雪盡
晴風著面覺春還新年且醉一杯酒勝地同消半日閒
放目金焦天宇闊暮雲低處擁烟鬟

宿焦山上方

揚子江頭風浪平
焦山寺裏晚鐘鳴
爐烟已斷燈花落
喚起山僧看月明

龔翠巖天馬圖

髯龔畫馬師曹霸
相見開元天寶年
水滿曲江春草碧
何知蜀棧上青天

李材

材字子構京兆人
詩多奇句早亡年
十七與趙松雪同賦
海子上即事詩松雪
驚歎以為雜於

唐人詩中未易辨也會客有賦十月桃者子構
應聲云劉郎再來歲云暮王母一笑天回春衆
皆鉗口不作詩才敏妙如此而竟不永年唐人
中李長吉也

懸瓠城歌

我經懸瓠城試作懸瓠歌殘灰五百載懸瓠不復我有
唐中葉失馭將退辱進危多詆謗淮西孽雛手指天百
萬官兵不敢傍長安市上晝殺人司隸走藏魂膽喪晉

公一語破紛紜意斷心謀神莫抗諫書不到雙闕下詔
檢初成九天上煌煌日月煥斧節慘慘風雲動鞬韉殿
前虢虎神策軍愬武通顏分玉帳夜深雪花大於壁懸
孤城頭血埋仗寒威方勁弓百鈞淨影不搖旗十丈已
囚猓猱山更沸再戮鯨鯢海無浪蔡人不識緋衣兒劍
氣磨天大星相方城大將拜道左犀甲金戈光炫晃兇
器狡衆五十秋白日青天破昏障兒童不遣避介冑婦
女爭來沽綠釀入朝論功功有差晉公之功無與讓英

雄事往名器虛粟斯嘯唳竟相尚外藩跋扈驕將侮中
禁深嚴嬖臣誑山東何啻百少陽秦苑洛陽隨板蕩我
歌懸瓠辭歌聲頗悲壯嗚呼唐之覆車將誰尤後人弔
古徒哀愴懸瓠城下流水流懸瓠城邊牧笛唱懸瓠歌
歌已終君不見豐碑野火化為土悵望文公及晉公

過黃陵廟

黃陵廟前湘水綠天寒漁郎唱巴曲沙棠舟上月蒼蒼
翠蛟白蜃江茫茫似聞清愁五十柱萬里鴻飛楓葉暮

神鴉翻舞祠門開珠裳玉袖露莓苔玄猿晝啼薜蘿

一作

薜蘿影赤鱗夜去芙蓉冷北渚淚痕斑竹紋南風哀思蒼

梧雲山頭古桂秋露碧山下江流豈終極荒涼揭車雜

杜衡靈風自吹烟霧旌輕帆晚向芳洲

一作渚

泊聊薦蘋

羞奠蘭酌沅有汜兮湘有沱洞庭水落生層波裴回獨

詠騷人歌

泊舟湘岸

乾坤清氣
作高亢恭

長沙今在眼青草舊知名二月風檣疾三湘雪浪平藤

深帝子廟花發定玉城莫議江南岸
嗁一作鵲處處聲

游山寺

行行行復止行到白雲間見客意不俗逢僧心便閒
細泉分別澗小逕入他山擬借禪房榻追遊信宿還

壽杜侍御

黃閣老臣踵夔皋法冠蒼佩陪霓旌八龍委蛇卷春水
一鶚搏控明秋毫華勲玉冊耀天府雄章銀筆翻雲濤
舉觴獻壽碧桃晚南極正與文星高

席上賦老松怪栢圖

仙人解衣礪礴羸造化慘澹秋毫端
枝柯千尺入層漢笙簾萬壑鳴驚湍
堂中日月不可老壁上雷雨何當乾
我來醉臥北窓下夢跨黃鵠天風寒

和王御史春詩韻

鶯啼燕語花漸稀天明海碧涵晴暉
洛陽臺榭春色在山陰衣冠昔人非
夢雲何處燕瑶席舞雪誰家裁
苧衣獨有倚樓無限意年年烟草莫鴻飛

元日賀裴都事朝回

海上瓊樓接五城，人間歌吹近蓬瀛。
雲移豹尾旌旗暖，日射螭頭劔戟

明。拜舞盡隨仙仗入，退歸遙聽玉

珂鳴。欣欣百草含春意，得傍東君暖處生。

海子上即事

一作都門春日

馳道塵香

一作紫陌香塵

逐玉珂，彤樓花暗弄

一作鼓

雲和光風

已轉

一作漸綠

瀛洲草細雨微添

一作生

太液波月榭，管弦鳴

曙。早水亭簾幕受寒多少，年勿動傷春感。喚取青娥

一作

蛾眉

對酒歌

此詩一作盧亘

送省郎楊耀卿使雲南

飄飄使節出金閨
郭隗臺前暫解攜
天入五溪無鴈到
地經三峽有猿啼
子雲舊里風烟在
太尉家聲日月齊
後夜客槎何處望
秋河迢遞碧雲低

禁城秋夕

絳宮星澹海無波
九陌猶聞動玉珂
閭闔微雲藏夕漏
建章明月挂秋河
此身天地流萍遠
故國關山落木多

欲聽鈞天塵夢隔紫簫吹盡桂婆娑

何山長中

中字太虛一字養正臨川人少穎拔師進士張
叔方朱光甫羅士鼎遂以詩名至大初攜所著
書來京師公卿列薦之命未下而歸至順二年
江西行省平章全岳柱聘為龍興路學宗濂東
湖二書院山長明年二月以疾卒年六十八揭
侍講僊斯志其墓所著有知非堂藁十七卷知

非外臺十六卷及易類象二卷書傳補遺十卷
通鑑綱目測海二卷通書問一卷韻補疑一卷
六書綱領一卷補校六書故三十一卷支頤錄
二卷蘄丘述遊錄一卷門人潘懋類聚刻之太
虛藏書萬卷手自校讎其學弘深該博程鉅夫
元復初姚端甫王肯堂揭曼碩皆推服之吳伯
清與太虛為姻兄弟亦以文豪相許嘗序其集
曰表弟何太虛少負逸才弱冠已能詩而亦用

意於文余於病中授集讀之雖病餘倦書然喜
之不極為書其後而還其橐其為伯清所傾倒
如此

別謝提刑

并序

戊子十一月二十四日拜疊山先生於雙桐驛
盖先伯見山同丙辰理宗親擢也先生叙舊好
言同心焉明日中賦詩為別

峩峩樓觀地寂寂風雨墟可憐零落身萬里投修塗官

窈千蛾眉已奉他人娛
主恩天罔極苟生豈良圖
行行重行行善保千金軀
別懷不敢訴顧步復踟躕

安上人蘭若

獨尋小蘭若積翠森松筠
禽聲悟禪家幽花吐清芬
晴日水光合時飛野鴨羣
娟娟前山秀適來何處雲
清心欣有得澹焉失腥氛
道人煮春茗離坐與晤言
亦忘此境邃兩耳天樂聞
何當脫世網於焉窮朝曛

菊二首

我耕不半畝黃花列千叢蕭條變哀時一夕萬里風立
孤不作難英英異風骨君看牆東客夜寒步霜月
菊花如幽人梅花如烈士同居冰雪中標格不相似道
里阻荒寒故人萬里餘菊枝儻可折持以寄遠書

讀史三首

桓桓韓將軍當年誰寄目豈無漂母食亦有胯下辱雄
劍一朝飛舉手拾秦鹿風雷走倏爍乾坤困馳逐滎陽
廣武間楚漢寄我足王業四百年尺封屢翻覆賞厚豈

勢搖功成乃身戮所貴英雄人豈甘草中伏誰為後來者感此空碌碌舉頭見青天天邊有鴻鵠

羸法四海熱震蕩昏三光雲飛大風起赤子沐清涼當時周旋人一瞰罹身殃悠悠赤松子不識為何祥千年有崔浩前修持自彰豈知愧所事乃是元家王恐非鳳銜圖但見鴈求梁伊爾山中人勿棄蘭蕙芳

鼎移炎德燼南陽尚躬耕胸中經濟事感我三顧誠保蜀非王基何似田一誠顧豈志功名乃欲表忠精煌煌

漢家業草木豈無情誰知鄴中兒元是漢人生運去身
或移事往恨難平悠悠梁父吟終古有餘聲

穆山山中

江南有丘壑我生良獨閒秋風二三友竭來遊茲山
深不見寺但見飛泉寒蛇行兩山狹天風鳴佩環青烟
從何來墮我前林端未知有徑否鐘磬猶未殘長歌萬
谷應仰見數峯攢紆餘緣澗入側步寒雲闊豁然得空
曠聊復解破顏殿靜蘚花潤松危鶴聲乾僧寶炯數珠

相我槃礴觀大開雙白眼應接幾青鬃徘徊日已晚人
間行路難猛虎蔽叢薄潛蛟激風湍振衣出山去大嘯
驚人寰

雜述二首

天龍地用馬健順理亦宜誰於其兩間赤手握陰機東
門一長嘯四海皆驚迷向來種桃人此去當何之悠悠
黃唐遠來者邈難期龍逝白雲征馬輕九坂馳行行馬
上郎萬里長風吹不見長江邊折盡楊柳枝

蕭蕭白楊風依依吹井烟曠哉上下宇逝者不待年彼
隴亦何祥一日幾新阡誰招皋某復遞哭送九泉高樓
當西日落花滿寒川流浪曠劫間彭殤俱可憐漢陵春
蕭瑟回首尚變遷萬古一起滅此意何茫然

夜久

夜久起徐步蛛露空盈襟蕭條川氣高慘澹浦色侵河
橫星漸轉露厚山將沈鳴蟲促鯀響蜚螢亂寒陰時物
遂如此惻愴抱寸心天將落月去何當復東臨乾坤入

冥漠衆竅酣哀音欲令萬夢覺誰憂獨難任商歌浩忘
疲俯仰情逾深忽聞雞聲起左右風滿林

讀晉史九首

林疎暑風劇窓戶殊未涼悠然倦不力吾我已俱忘眼
醒見周秦眼醉遊軒黃日月山外過興廢枕中藏振衣
起長嘯六合何軒昂斯人縱高視旁皇復旁皇於焉讀
晉史感激繫中腸言言不能已自笑已如狂

哀榮無盡變俯仰還自推陳留既作賓何如山陽時中

都血流杵江左中興基不待卯金刀
羸彊呂已移天道巧相復人理固
易知巢由遇高躅今古無還期

天地一虛器所寄在斯人人能主
天地豈不貴我身嗟哉嵇阮輩酒
鄉為隱淪朝醉既及暮暮醉還及
晨裸飲或稱達喪德乃名真獨善
諒非計况此國與民被髮祭伊川
豈不在諸臣平陽有餘恨千載同
悲辛

螭龍臥滄淵瑞鳳棲蓬海悠悠接
輿歌千古消光彩出處酌其宜勿
為世所駭預人家國事此身固有
在嗣宗

濟世心無為著達莊叔夜明養生東市援琴傷一出與
一處徒能決藩牆淳風竟不返二子俱亡羊汲郡蘇門
山其人遊何鄉我欲振奇翮碧宇追翱翔

高平釋時論魯褒錢神篇晉轍固難挽猶勝談虛玄夷
甫晚良悔將死復何言誰登平乘樓尚能議諸賢老莊
異端學冥合歸自然蕭曹相業大文景王道便尊尚本
非異興衰由此遷信知浮論者亡國有餘愆

江左二百年立國初何恃中夜荒雞鳴天地皆英氣枕

戈劉越石擊楫祖士稚如此中原間端能了公事局促
并豫州奇功中道墜烏乎二英雄本為宗社計異類禽
獸心推議諒非意石死固可哀稚則吾何議徒懷墟墓
間還念金行祀誰令若思來後代常獻歎

兩賢不相厄王庾乃如斯天步政多艱此豈私憤時東
山謝安石造次威鳳儀三賢抱宏器繼出相等夷風流
文雅盡同惟世所推但恨立朝間典禮殊未施玄談竟
澆俗逆臣終亂階湯武肇王業伊周垂綱維桓景彰伯

道管晏橫要規古人不作遠所立百世師奈何民具瞻
退食徒委蛇卜世固天定欲責當誰歸

春風滿南國公子爭為歡錦繡少花豔珊瑚耀日寒
美人佩蘭麝驄馬馳雕鞍酣歌金谷迴笑舞涼臺寬
一朝化為血付與來世歎人國亦如此榮落朝夕看
悠悠勸進者端似墜樓難

填石

缺

膠杯誰能舟我豈不知我量力乃哲謀有
才比管葛感奮為武侯保身慕夷齊靜退淵明儔物亦

非所忌名亦非所求北窓羲皇上東籬晉宋秋零陵一
杯酒終古屬斯愁

偶書

桐寒葉落風菊淨花開雨掩映半畦秋好竹三四五對
此憔悴人忽笑不復語

掩卷

掩卷如鬱鬱鬱鬱亦何似野人每多憂不悟本無事仰
觀千載前去者極所詣俯期千載後來者邈難至惟我

於其間欲策無名驥出門萬里遠寸挽何能至山空白
雲合日黑野風駛獨默已如瘖閒送飛鴉墜

遊夫容山八首

十里五里石一步一長嗟行行山轉高悠悠日將斜
縈折抵深谷直下十數家來往自成邨桃柳映桑麻崖杉
老絳葉石椶垂枯花陰凝四時雪陽燄一川霞誰令余
到此幽意浩無涯行將辦畚鍤來此耕山畬

岑岑青夫容峻秀琢寒玉危流千丈飛鏗鉤石相觸幽

閼魚龍宮荒寒霧雨蓄淒神不可留前登散遐矚參差
雜花動香氣汎深谷日照丹霞開萬峯洗晴綠同心有
長鏡緩尋靈藥斲菖仙早見招庶得從所欲
菖仙曹
遊此山
春風吹衆樹春喚如鳴梭平烟帶遠邨時聞樵者歌田
父有真樂東臯牧羣鵝烟暖衆草合豔綠如流波搔首
負白日歡然得婆娑事立或福的識深乃愁多西家酒
正熟况此天氣和

側足上翠微石磴八九折開盡滿厓花坐來羣香歇遊

目盡遠空亂數碧簪列草木頗蔥龍雲興復霞蔚不知
十日雨還長幾枝蕨山中無事業特用慰采擷盈筐歸
路遙忽見滿山月

綠峰在頭上落月在脚下點點烟鬟開春晴真無價紅
泉響哀玉蒼石飲渴馬林窮蘭雪香厓古蘿衣挂屬聞
絕壑底松聲更清灑世遠事難即趣深月彌暇誰知須
臾間白雲已無罅都失眼中奇茫然獨悲咤

花開風自柔谷深日無暉高蘿鳥聲轉蔥翠搖陰霏孤

娛有窮深境異心不移東峯虎長嘯西澗麋爭啼運往
入理盡物新古道違欣然抱竒懷白雲遙相知日夕意
猶緬信有忘歸時

日日碧山去香草生還跼幽禽識履聲間鳴故相狎意
行不知遠清嘯得虛荅石上綠雲生巖下紫烟合莫負
今日晴聊折山花插

商山非遠遐胡為可避世人間已帝秦紫芝尚周味看
瓜有竒禍紛紛誰能避此翁良優游乃為秦所置獨恨

六籍尊友愛陋儒累儻使誠德人羅者誰敢睨蕭散東
陵侯隱約濟南士清風百世存庶激懦夫志

春日書懷二首

牆東綠陰好稍覺朝日遲人間事輪囷我枕聊復敲開
扉覽曉色萬端集兩眉風狂忽倒人迎立愛其吹掠我
徑西去花影覺逶迤微吟視青天一笑聊自持相如不
妨慢長康政須癡

鼃聲池上起竹聲窓外傳吹萬不可息聒我春晝眠林

外固多累林間復多喧誓欲攝太清冥冥不得前缺我
一寸心焚香小窓邊以我無盡目送此有盡烟

李千戶至自南海分遺椰實戲賦

亂餘乏佳實賤者猶貴之招呼梨栗輩已作席珍推豈
無仙人棗無蹊至山蹊桓桓李將軍色映海嶠奇歸馬
駝椰子落魏瓠垂徇華殼初剖濯濯膾玉肥來餉山
中人意重千金遺香醖出石髓味腴輕肉芝尊前有南
海頰壓衆果卑向當逋子齡待親曲江湄啗此不知厭

亦與檳榔宜既別十五年猶有夢往時故人忽相見喚
起三生悲遇難心易快感至情還移百年能有此再見
安可期子西憂蜜果東坡歎荔支雖云供貢勞吾念君
臣儀安得白玉盤登之白玉墀萬古還綱常不令世愈
衰蒼茫叫虞舜魂繞天南維梅花滿庭淨香烟一簾遲
椰杯更自酌聊欲捐余思

歲晚詠懷三首

陰風入空林玄雲幕平野薄帷負閔寒飛雪鳴古瓦抱

衾不成溫孤懷浩難寫荒荒豺虎區三殤無遺者王風
不列國安得猶存雅黃竹聲久沈傷來淚盈把

前檐立閒夜園中珍木長雪雲正澄澈霜飈復飄揚衆
星憑幽閣各出爭耀芒東方起圓月失此萬點忙不有
照燭功何以尊其光安得騎蟾蜍偃息桂樹傍

門扃幽樹聲窓鎖羣峯影寒氣迎遙夜華星在西嶺秋
蟲無餘聲時鴈有新警天機自消長冥參得深省名衢
萬里輶理海載孤艇力弱昧前馳心彊邈真境即俗幸

無能澹然聊自領

華蓋山

三山立天半蒼翠橫古今斷崖三萬丈花落紫烟深路
蟠一帶危上薄元氣侵亂霞導飛舄閒雲護行襟風巖
虎豹穴泉壑蛟龍吟川明散衆色空碧生清音仰憩星
河次飛鳥下階臨肅然剛風近仙人撫瑤琴立身如此
高人世寧不欽蒼茫萬里色浩蕩一寸心期為太清遊
不獨往山林

松野即事羅氏園林

娛心仗老筇細數諸峯影微烟過前樹澹日有半嶺幽
鳥識歸宿遑恤雲路永冥鴻各有見日邊半行整出處
無定期是非諒難省歸休忽已夜夜月變光景

遠離別

空邨落葉亂曠野飛雲遲抽盡園客繭難比妾相思自
從出門來足繭折兆龜夜宿茅簷雜曉行霜露淒仰舉
千重岑俯涉百渡溪骨肉無一在親戚知為誰羣刀血

模糊殺人相娛嬉有聲不敢吐有淚不敢垂妾魂久已
逝妾身終何之行行忽遇兵擾擾貪獲資力戰豈不勝
何以救蒸黎鄉兵又擄妾無異在賊時朝汲風激面暮
春日皴肌妾無使令者遠勝妾在茲寄言北去鳥妾死
君得知自從結昏姻得備奉盥匱幸甚終所託可保黃
髮期苟死又何憾有此生別離自盡亦非難冀君贖妾
歸君心寧絕妾望君君來斯又恐多險艱為妾使君危
拂鬱一寸心撩亂百結絲牽牛與織女乖隔始不疑昨

夜夢到家銀燭照華棖夢覺恍見君回回日如迷果如
兩龍劒長懷相望悲人人儻如妾何以生世為

秋日山行雜興三首

獨往非避俗散懷聊尋芳流風澹翠麓理策秋路長蒼
石含幽色樛木落寒香一片太古雲化為孤鳳翔忽然
歸紫霄蕩漾不可望浩歌向夕霽敢事接輿狂

山田杉燦清厓傾花雨下詎知吾道非偶然適曠野磊
落萬隕星赴流飲奔馬風微葉時落磴寒雪自灑孤松

紫蘿轉幽峯抱嵐施景晦良遇稀心異真賞寡舉手謝
時人巖陰棲古瓦

晚山菡萏開濃秀映秋碧長風瀉萬里寒花落石壁雲
氣靜欲消霞光亂相射縹緲浮丘翁素手垂鶴翼笑看
蓬萊波與世共陳迹天地無恒春羣兒倚少色功名猶
自誤口體乃相賊安知骨為塵不得同瓦礫

浮丘經
行之地

由書堂寺入夫容之麓五代時有胡先生隱居其
地寺故名云今碑不書有游生者寫華嚴經留寺

清整可觀生寧宗時人

雨歇入幽麓朝氣籠澹晴夷塗何所慮乃此沿流行天
矯玉虬飛驚波缺天明急播萬珠絡遞應千雷轟忽激

羣鷺躍徐肆游絲縈曲曲揭清淺盤盤度峻嶒明生一
掬綠幽閼兩林清胡為夥生聚却羨非世羸蒼烟出磬
響深谷藏經聲閒過小蘭若茶香滿前楹誰寫天竺書
秋鴈點寒汀盛代安可及隅谷有精能嘗聞昔五季胡
君亦豪英讀書向此地詎冀千載名俗士輕高人不著

石麗牲空令繞竹泉長作琅琅鳴寸心持餘感出門陟

寒青駁石當目隙高下擁精靈朋聚鳥

缺

伏孤兀蒼虎

獰左峯覆欲壓右厓危將傾乾坤有此險始

缺

性命輕

前邁忽自哂天定亦何驚萬杉列雲際濃澹因雲成佳

椽交翠竹茅屋矗相憑向來看盡意盡向眼中生老翁

理泉竇東菑秧事興諭謂樂如此翁輦訴其情歷述先

朝美言罷淚縱橫方余起釀羨屬聞意冥冥古來多隱

者全身一何精將非智不及亦豈福難勝不然幽勝地

自可飽芝苓放麋心不忍力極還小停歌吟雜悲樂寫
之蒼石屏他年有知者此語良足徵

黃塘渡

早聞東吳路今識黃塘灘聊乘舴艋過一篙濟艱難綠
秧映屋秀古木垂邨寒曠野何所尊亂躍千平蠻回眺
寒烟外浮屠乃上千乾坤我來遲促促寧遑安遥謝山
中人合眼無悲歡

文江夜舟

北斗一何渴下飲空江流南鴈知何愁相喚不自休東
浦征人歸孤燈出籬幽西淵捕魚急飛火走一舟漢皇
極寬仁今年租稅優有生亦擾擾吾道更悠悠

箬嶺人家

溪田谷深盤石阨水成布風吹巖下雲挂在溪東樹雨
深兩岸花高下樓臺聚安知主為誰倚遍闌干去

登北山塢

閒驅葛陂龍急追數峯雨仙人專幽竒我亦微徑取山

花帶雲香裴回綠承宇身行元氣表心明萬里俯我今
為我役出沒塵潦路仙人何超然應笑我如許何當寄
此山隱几玩今古

東湖別吳伯清周棲雲虞伯生諸君子

炎炎白日長
窅窅孤雲去
身縻心久歸
別至情更苦
良時難驟得
異縣不同聚
名都親友并
並翔文寫羽
處獨忽多聞
至樂欣所遇
析理挹清風
吟詩看疎雨
鳴琴挽幽聽
評帖劣前武
有時縱登覽
江山見吞吐
行襟浦草

金史四庫全書
卷八
青解帶湖柳舞茲遊豈不佳歸來胡遽賦顧茲山林姿
終非城市侶故園夫容華綠池照茅宇我懷詎能忘寧
為倦羈旅長歌招隱詩諸君果何許他夜宿山郵明月
照去住

聚遠樓分韻得笛字

彩榜聚遠題登樓記疇昔一尊集七賢共領諸峯碧雲
樹分邨容嵐霏長溪色點點鴉影翻沈沈市聲缺古來
多勝踐談笑不知夕欲去重倚闌寥亮滄洲笛

梅

一徑蒼苔深梅龍著花早初回天際春更覺江南好月
色冰霜寒角聲天地老寄語宋廣平時無蘇味道

贈元復初

暖雲流青堤光風轉芳甸遠在天一涯幽沈限聞見點
點秋歸鴻翩翩春來燕天路萬里通胡寧一作絕遐瞻

竒姿奪南國悵望愧疎賤良會慰夙心願君畢歡宴

春風如少年效程漢翁

春風如少年狂逐無定處垂楊曲江堤細草東郊路祇
言今似昔不悟新非故流水何時歸殘鶯數聲暮

西湖山

峩峩西湖山靈秀入空碧蘿陰轉累磴松色漬幽石微
霞生絕陁飛溜灑鼓壁鶴鳴巖光動花落雲影拆危椒
登古壇百年此一息聲影混大荒不見興滅迹剛風三
天寒元氣萬里色悵望仙子期凝神撫玄極

皈信寺近曾文昭公墓次

綠柘茅舍邨青山晚烟渡何處擢歌還直入深林去隔
畎數聲鐘鴉啼翰林墓

招仙觀

逶迤溪南路窈窕招仙谷空堂兩道人殘碁映深竹一
葉響疎籬雙鴉啼高屋出門隨歸人遠燒在山麓

知非堂夜坐

前池荷葉深微涼坐來爽人歸一犬吠月上百蟲響余
非洽隱淪隙地成偃仰林端斗柄斜撫心獨悽愴

遊樂安穆山寺

秋陰出南郭佳色來遠山悠然渡野水却宿前林間朝
氣銳幽步相攜上屨顏行穿綠蘿遠共愛青杉間已窮
高原路忽得雙石闕飛烟帶香氣深木藏幽潺景晏鐘
磬寂桂花滿苔斑道人一尊酒時聽風珊珊多悟從此
始塵緣諒能刪空廊對微雨亦復不知還

宿田家

邨暗烟火生林深雞犬靜麥花如積雪月色澹相映鄰

家夜汲歸寒蟲滿幽徑

發新淦金水亭

振衣上野航回首謝山阪
日澹秋水空風清片帆遠
沙光浸岸發峯影隨人轉
前渡烟火深離亭路今緬

小孤山

牽牛與織女河漢有時渡
小姑綠髮深隔與彭郎語
流水去仍回望郎郎不來
精神有相貫形迹難相猜
年華朝又暮江頭晴又雨
靈風吹斷磯行人聽鐘鼓

曉發辭夫磯時李河漑之友先行

秋暗雞鳴邨平皋下殘月參差鄰舫語櫓聲帶潮發露
華望中白蓬陰散秋髮沙鳥知曙鳴海雲上空滅念我
前行友青山已飛越遲爾及相攜無嗟賞心歇

龍潭阻風夜興

水宿滯前期前津北風惡林寒燈影深莎雞滿籬落荒
忽寄孤迥淒清愧離索年光星河轉夜氣衣裘覺我前
勁翮翻我後大魚躍潮痕侵柳根移船避沙閣

望新安山投宿不及

踰淮數百里欣逢下邳山新安十數峯窈窕霞影間遙
看若可即既近杳難攀契深迹莫遂悵然空厚顏倦鷺
辨沙落遠禽求邨還已暮將何歸回濤冒溼灣渡口雙
古柳茅茨相與環清時寄孤枕敢厭聞驚潺

歌風臺

神魚驚遠海雄鵠陵高立區區一亭長帝業何赫然光
芒三尺劒羣雄讓鋒先羸項屹山岳埽滅如飛烟故鄉

金定四庫全書
卷八
偶一歸艾老相周旋百感忍中起深情何由宣往時同
功人今乃不一全害能亦寧忍遠計有未便矜辨視孤
影三侯發尊前大夫英雄氣兒女淚迸泉縱觀能幾時
憂虞浩無邊西風吹古臺老屋敲河壩低徊一長嘯乾
坤多材賢

同鄉客

有認余舟者問
隆興消息焉

遙見江西船認是同鄉客何日發龍興迎人問消息長
河落鴈秋古渡啼鴉夕不見楚天長重重暮雲色

酬揭曼碩重贈

歲晏君獨留路長我將發林居難共語帝里易成別
煮水逐人飯依樹因車歇今夜抱衾眠街頭響鐘絕

宿十里邨

朝出順承門暮宿十里邨臂鷹獵騎歸積雪明郊原
居人喜客來汲井鄰牆溫羹湯稍暖熟餅餌亦燒燔
此夕羈旅意深知路人思重林隱城堞昉此勞心魂

涿州道間雪霽

昨日飯良鄉今失涿州城此路有終去安能緩車聲平
野散寒景流輝起浮英濛烘遠樹密落削僵柳明獮律
共鴉牧團瓢忽雞鳴殊方雪初霽余抱孤賞情胡爾同
車人苦云路難行

獮律松漠紀
聞作殺璵

河間曉行

歸人心久歸車夫苦相促衣裳忽披攬衾毯自裝束寒
深肌骨痛夜久情懷獨萬里多往還他人媚僮僕霜枝
叫羸雀雪徑過山鹿望野欣海霞辨烟識邨屋饑尋麥

粉麤到夕當得粥南中好男兒閑屢絕行躅河間猴子
多毋煩記生熟

淮安道中

聲鐘起前林悠悠向南客天垂大野高月澹行路白雞
犬淮上邨雲霞海邊色舊時塞垣地來往人馳驛

得風自施團一日至梅根

沂游縮程期景氣異昏旦波聲船頭響旗尾檣竿轉施
團方入望忽過繁昌縣雄吹徹籥冥陰色形怪變凌虛

金史四庫全書
卷八
曠超軼坤六酣龍戰幾日西南風去帆眼中羨蒼蒼水
雲鄉九華今不見

南浦旅懷

鄉近歲已闌猶為侯風客落霞蓋蓬深三日不知息浦
樹分城烟水明遠沙色滿筐紅竹枝渡人隔邨夕久滯
妻孥望孤還友朋惜音形兩睽離情生自難抑

朱方偶作

雪餘春水生日上暖雲泮香靄松林中柴扉起樵爨新

妝攜童穉鄰曲欣年換坎坎邗鼓鳴沙頭酒聲亂江西
田家樂豐歲尤盛觀山市溪橋春還多看燈伴

訪程漢翁不遇賦寄

高躅洽冥棲鈍資得睽阻逢人問來期指日往城府俄
聞幽輅至迎候急江潯沙柳歸流風陰虹割飛雨還同
騎馬客尋竹叩深戶多蘊喜頓傾失覲還茹苦度鳥遺
還聲緘情促歸武怡悵新城雲秋山事晴嫵幸因揭陽

侯

謂曼碩也

日日閒玄悟

暮行城東懷程漢翁因寄

倚郭起遙悲日下滄波闊何處是新城層峯翰飛滅始
反今悔悟沈想還成結百里詭稱遙長年忍為別回風
歸山霞道景發沙月獨殷今夕情淒迷轉城闕

丹霞洞天

飛鳥落丹霞蒼然洞天劃草木皆異香烟零有靈色寒
苔潔宜坐幽水甘可滌樵子指峯賞野翁教藥摘琳宮
積筠陰慮消景難晁道人供仙茗疊疊古所歷唐王懸

舊照唐帖式遺墨師年知幾何山前事多易稽首浮丘翁歸歟紫玄宅

照武西塔山報恩寺

山椒敞禪局幽欣失微倦密林稍深沈新筍亦蔥蒨磴折迎空香臺虛得清囀芸芸趨前塵往往遺勝踐始知佛力弘能使地靈見市聲俯一席山色照三面郡小覽易窮興高賞難徧微生諒何緣周流散遐睎

三仙謠

紅紗籠玉香金翠繡鴛小鶴頂壓青絲斜戴花枝裊何
方馬上郎下馬佯驚悄羅扇掩微頰蒼語相縈繚郎有
千金重妾惜容華少怕不稱郎心看郎幾曾老

苦熱得雨

炎德王甌駱羈羸負天刑不為永谷留乃使熱阪經几
席集蠅蚋輿臺亂猱鼯居煩易激疾習靜難遺形每倚
高閣立但愛方山青林端動虛籟殿角搖飛霆雨影襲
虹氣土香雜龍腥脩脩改神慮肅肅賓仙靈散襟澹幽

佇稻花如雪馨

九日

屬耳喧令序，虛旻景清溫。久生理難期，陽德聖所尊。菊

籬黃未拆，萸枝綠初繁。

時萸尚青

幽岵寡芳物，離索誰相存。

白日照杯酒，壺山落秋痕。高歌行太清，海翳開渾渾。倚
伏祥視履，登高倦躋攀。化機何由息，悠哉委乾坤。

壺山絕頂望海

縈磴入蒼靄，斷厓倚晴暎。天飈盪

缺

駛城氣迴，曠昏磐

石偃危椒谷王浩無垠鳴交羣龍戰舶點微鷗翻浮雲
岌雲朶懸霄浴霞根空溶東南突迨缺日月門指數十
洲翳招呼九仙存余懷已漺漺前境方渾渾乘查寄虛
感微跡猶當論

登九仙山

仙何姓兄
弟九人

吾宗九仙人鍊藥此山上渺渺嘉遯心缺烟一相訪海
門蔥蘢外山氣帶嶠狀側目明遠潮歸遐委孤嶂塵綠
誤良契仙事敦夙尚何處乘鯉歸微風起清漾

烏石山天王寺

天王小精廬山角臨城闌古稱藩服雄畢境環相陳瑯
影六七枝瓦縫千萬鱗烟明南臺樹潮壯方山津老僧
肯前揖似余異人人指點壁間畫修廡行逡巡觀音大
自在維摩妙悲顰蒼然古木陰寒山砦可親版扉幾尊
者一一皆風神老僧太息言劫餘偶遺珍從今幾年算
此壁終成塵余笑謂老僧子意亦良勤適見俄已失當
悟無還真

黃溪口看白水

黃溪且緩程白水方迎賞石扇千餘仞雪源數百丈幽
光照天動寒氣發地爽松杉含清英猿鳥玩奇響仰視
蔥蔚中當得一席敞移家結香茅把書寄泉上

訪貢仲章舟行阻風

今旦始自信余坐非數奇懷人發清興欲雪成良時波
響雙櫓澀灘寬衆帆馳危查立小渡殘竹懸斷旗指浦
見鴉合轉蓬惜峰移深烟曲江磬微雨三洲炊寂閨有

餘適濛鴻無定姿余寧不可奈久與西山期

早起

覺來日已升花梢衆禽語何許白浮萍池間散還聚起
見梅已空夜來幾更雨魚行春到水草暖香在露溪上
人語喧樵薪滿沙路

撫州魏壇觀

何年女仙壇百步遠城堞樹色隨春新飛花襲枯葉廊
虛苔綠重簾靜藥香浹主人勉逢迎小憩薄茗呷却讀

魯公碑仙事公素愜是時中興頌筆力秦華歷此書最
為小勁氣亦葉葉大節照古今片石即光燿人生果何
為草草度塵劫揮手謝壇扉天長碧雲疊

洪都靈應觀榜雲徑

厭煩取蕭閒隨意入雲徑上堂敲響板山童質辭令地
寂室生涼體暢心逾靜出門看木陰佳鳴發清聽風光
勻可愛水色豔相映真契成自怡歸路得新詠城市今
滯留將無失幽性

新淦太平山

縱觀不知遠言登太平山諸峯卷秋雨日射風霏間懸
磴折古石側溪倒危潺金燈如丹紅異卉相爛斑忽悵
經丘絕俄欣尋壑閒筠陰聚森爽樵人指幽闕聲鐘出
晦靄演梵作孱顏靜者足吾契語瑩冰珊珊厓東野月
上露華膏夜鬢松杉炯玲瓏流飈過瑤環既靜有餘聽
焉知趺坐頑偶然在塵表非能悟無還

崇仁鍾山寺

宋樂史侍郎
有詩在寺

方看望仙雪仍訪鍾山泉石限阨危溜峽厓減青天不
知路深淺但愛山蒼圓俄驚侈樓觀一禮黃金仙衲僧
喜客來觴行續茶煎仰視慈竹題俯吟慈竹篇前修凜
高躅滋久餘芳傳白日倚山轉倒暈千峯烟悠悠思難
極且與樵風還

樾溪

林嶺甚可愛溪源無盡時山花已亂發烟暖東風遲因
與采樵者坐談樹陰移日斜自歸緩我興非人知

河湖水岐山觀與友人皮季武同遊

旦旦望岐山
樛木森山椒
其下美清蔭
仙真集蕭寥
佳友謝塵慮
導余度飛橋
危淥澣跳雪
石磴藏靈飈
探邃裂凝陰
憑顛洞遐霄
寒蒼貫晴紫
滉漾峯壑搖
久無登臨
適快此煩怯
消日馭諒難
迅人區亦非
遙遲遲敢迷
復疊疊同歡
謠

豐城疎山寺

天氣良晏溫
山原足游衍
石溪試初涉
衣裳費牽挽
油

油風力舒恍恍烟色遠指峯左右賞愛草行坐軟情興
俱笑談造詣各深淺望望蒼寒中禪闕路猶緬

樟樹鎮五公寺

久幽厭拘維暫弛欣舒散近闕得禪扉擇步歷蒼蘚沈
沈松陰重濫濫水光遠殘花起餘香乳禽響新囀虛廊
清晝長高僧坐談簡學空素所昧慮妄一作遠還自遣移

晷始知歸生烟滿林晚

儒學提舉司宴集

至順二年冬平章全公命提舉
高才翁設宴儒司酒酣分韻賦

詩得
迎字

賤子久在野低頭事射耕堂堂賢宰輔胡為知姓名許
辭庠序責復假賓師稱仰既慚簡書俯仍媿與評公館
良宴會文雅有餘清粲粲珠玉質嚙嚙鸞鳳聲深意修
綆汲雄辯四筵驚我衰但多感一出寧非輕白日照天
碧耿耿梅花明城南有歸路西山能送迎

除日文江書懷

馳外心久息求安志惜違江受風雪壓帆從波浪飛眄

彼東山雲妄行已足非為誰餞殘臘蕩漾不知歸沈沈
州郭暝黯黯烟火稀流炊理多悟孤睽情自微

正月五日吾族諸老儒服縱游

山中忘世換人事又從新儒服吾宗老南冠故國人悲
風千載淚幽谷一年春折取山花供清香已滿巾

春郊二首

試數亂離年傷情更惘然牛羊荒草樹天地老風烟白
骨蒼苔外山花野水邊幽禽未棲宿來往自翩翩

歸鳥情方遠啼鵲淚未收淵明姑託醉老杜不勝愁雲
冷花無主山寒雨似秋江南春水足何處具扁舟

雨後晚行二首

漫適閒中興應知事外情江山歸釣影天地入笳聲小
市風烟合孤邨竹樹清眼中賒小景收拾即詩成
棲鳥黃昏後歸牛蒼莽間水明疑有月烟澹欲無山幽
谷元非隱高人自喜閒徘徊不能去莎碧耿荒灣

伯艾堅白道人挽詞

即見山也

畫靜清江獄

臨江錄
事參軍

春調衣錦絃

知興
國孫

去妖人共異息

盜史堪傳使節臨鄉國郎星照楚天穆陵親擢士公不

媿諸賢

竒石

竒石爭迎立青山互引前冷冷兩溪水澹澹一峯烟間
作題巖字時逢采藥仙蒼厓恐陡絕松影一颺然

山中

何處征徭急茲山水石竒鳥鳴新葉長磴仄斷雲移趺

坐天正碧起行風自遲徑穿松鱗去巾袂冒蛛絲

曉晴

一雨生春色千山起曉晴落花縈樹轉幽鳥過林鳴
杳杳天如古茫茫世有兵開扉小倚杖沙上草初生

南居寺

閉戶未從容出門誰適從聊隨碧溪轉忽與白鷗逢
小雨十數點澹烟三四峯峯峯看不足山寺已鳴鐘

饒州道上

新晴破積陰淑氣泛行襟千里山河眼百年耆舊心霞
飛滄海遠烟入綠邨深學劒江東者茫茫不可尋

采山歸步

松邊采藥去谷裏帶雲歸步轉半厓側影涵空澗微獨
尋茅宇歇因看水春機數點山花落孤禽避客飛

病中感懷

多病他鄉外孤懷始覺愁山圍雙鷺曉門閉一蟬秋遇
合馮生缺勲名季子裘悠悠耦耕者端暇為人謀

留金溪夜雨達旦有懷

忽見干戈動他鄉隔老親一窓如此雨兩地未歸人
鴈渡關山暗雞催海宇晨誰能更鼓枕聊挹曙光新

陳家源

翠霧斷厓側丹霞流水西竹從幽處密松自古來
敲落葉半藏路清風時滿溪仙家元不遠未許衆人知

龍池寺蒲石

底有貪竒意吾行亦偶然尋泉經絕壑看石到幽禪
鳥

語前林日雞聲曲巷烟偶逢樵客歇共坐偃松邊

劉太傅挽詞三首

慷慨憂危國從容友大臣竟孤嬰白志遂作綺園身名
節非無壽乾坤更有人堂堂天下士何必畫麒麟

妙悟通羣聖微言刺六經千年遺此老四海缺先生文
字空傳蹟知聞漫敬名豈無房杜者猶足致隆平

如許龍門近胡寧忍闊疎不為終古別詎信此生虛未
始壺丘學頗知揚子書向來香一瓣薄命竟何如

立秋夕作

但覺焦原苦何當沛澤流夕風微報響古木暗藏秋未
事冥難測閒心遠作愁亂山高下碧烟靄澹浮浮

雨餘桂花盛開

搔首發清磬開扉啼早鴉西風一夜雨丹桂滿林花老
託心猶壯愚云識有加平生讀書眼閒送曉天霞

槎溪

岸斷風鼓柳邨寒雨病花妄心貪自適危路得長嗟別

壑亂雲散危灘歸鷺斜平生謝康樂幽意滿天涯

送人歸臨川

金河疎柳外去櫂響流澌為客有歸日送人愁別時寒
雲隨鴈遠南雪到山遲舊隱書無恙行藏莫預期

絕江

挂席亂鶯湍曾過此渡難潮歸揚子晚山入秣陵寒聽
語知鄉近忘年計日寬穩行隨夜泊烟火滿江干

鄱陽湖中除夕

除夕生能幾誰無骨肉親望鄉偏恨路在遠并遺身湖
雪殘波岸船燈獨夜人淹旬須一刻珍重故園春

辛亥元夕二日

頑坐故貪默忽行時自言寒沙梅影路微雪酒香邨時
序鬢髮改人家童穉喧街頭試燈候不到郭西門

送吳主簿之官石埭

簿領池州去開帆帶雨微當令公事簡見說縣人稀雲
入九華碧鴈驚秋浦飛丁寧橋下水官滿載書歸

水口夜思

牢落不成寐，荔陰寒石磯。
潮生灘響盡，海近夜涼歸。
旅思隨時進，鄉音逐遞非。
燕南與粵北，格是費征衣。

除夕

我有百除夕，遽廬是處安。
翻因歸路近，始覺到家難。
浦隔鴈聲落，蓬孤燈影寒。
家人應共說，賓閣尚盤桓。

新城王尚書士禎阮亭云中詩：「五言其近體亦冲澹如聊隨碧谿轉，忽與白鷗逢。」
小兩十數點，澹烟三四峰。
寒沙梅影路微雪，酒香村湖雪殘波。
岸船燈獨夜人落葉半藏路，清風時滿溪。
西風一夜雨，丹桂滿。

林花皆有
唐賢風味

移菊

僅得林間趣閒尋菊本移人家深竹裏楓葉夕陽時汲
井澆畦潤將鉏下手遲護叢愁蕊損帶土怕根知每被
歸樵問深憐冷蝶隨寒香生徑幽事補灣碕斗柄西
北落鴈聲霜露垂裴回繞叢畔自笑可能癡

皮氏逸亭

地僻藏吾逸隨宜託數椽池新何許水楓壽不知年竹

讓前林月花歸隔浦天綵鱗孤鏡照幽浬四窓圓曲几
清時裏閒心太古前入因添曉起出每及宵眠句得思
仙寄棊高許客傳乾坤餘蠹簡勲業老觥船智有過榮
計先求勝祖鞭太章短東極夸父恨虞淵世共稱工者
吾知付莞然他時耆舊傳應指某公賢

漢宮春

君不見漢宮六六多佳麗露花半染雲裾翠小翁招得
夫人魂孤鸞夜啼月波墜趙家姊妹專風流雙蛾不識

人生愁夫容並蒂鼓一朶西風青鳥徒離憂飛龍翩翩
上天去雲幕椒房土花雨墮膩埋臙恨未消香魂尚寄
寒莖舞人間炎日焦衆芳肯隨葵藿來傾陽柔情幽怨
透地脈烟幃寂寞彊成妝誰吹舊曲綠雲切寸寸婉婉
應愁絕綠羅幾疊御賜衣紅綃半點守宮血淒兮媚臉
棲餘妍遙憶羊車望幸年至今一片巫山雨化為飛烟
空潛然故家陵苑孤雲外綠樹如雲草如海殷勤唯有
虞美人同向牆陰弄晴靄

春怨二首

洛人傾國賞牡丹東家繡轂西家園黃鸝紫燕新得意
柔雲如酥花迷魂遊人寂寂歸何處花亦年年占風雨
江南却遇李龜年蘇州空感楊開府誰吹玉笛斷人腸
斜橋淺淺流水香惟有千年老銅狄看盡人間幾夕陽
天女手剪五色雲鞭雷控電行青春散作江南萬錦繡
燭龍眩轉空無塵燕兒眼寒心更苦吳娃情酣夢無據
依然錦繡化為雲却恨風來挾雲去十二樓邊芳草多

知今鸚鵡聽誰歌千金買取新豐酒地久天長耐樂何
用歐陽文忠公神清洞韻題維士昂所藏米元暉
神清洞圖

元暉昔作西江客夜飛墨花曉無跡春風留此二百年
幸是山中至人識有千黃金雙白壁鵝溪白繭纔數尺
潁陽山高風露寒幾處高堂挂生色

中秋走筆

忽忽不知秋已中起來望盡江之東天風吹上一片月

萬古有盡明無窮自歌自酌自起舞失喜隨在明光宮
須臾見雲不見月九州之外俱昏濛我狂絕叫天何聰
乾坤如此寧怱怱江流冥冥上有楓雲邊又叫南蜚鴻
有酒且醉無酒可有月不與無月同丈夫意氣見石裂
直欲埽裂雲皆空低徊一笑良自悟事與變會誰其逢
仰看雲月勿復道西風落山人睡覺

塞野縱目

讀書萬卷不經濟
嬾境最佳工坐睡
手持綠玉信步行

穿破麥花到林際
縈回空谷含幽光
隱映深松發清吹
北風掠野牧者誰
牛影參差霜草悴
一牛閒卧意方安
童子何知鞭已至
回頭一望盡天南
高下千峰灑濃翠
近邨遠浦合寒霏
落木平林歸暮氣
世工善畫貴逼真
悠悠真境誰能契
古來文章亦如此
真處看來有深味
競為幻語欲幻人
敢向人前辨醒醉
歸來歸來勿為留
幸有禽聲勝子沸

高因四時歌

卷八
春風東來汎幽谷出門一笑人間綠新雨池塘柳帶鶯
嫩雲洲渚沙眠犢一蓑一笠東西邨天高地下斯人存
歸來醒醉聊隨意翠樹無言花滿門

陽烏炎炎焦九土老農吁嗟氣如縷山中神化出移時
一片閒雲半溪雨誰家金谷有涼臺蔡扇桃笙爭自媒
清風却在長松下不須用智不須才

楊柳磯頭天萬里長笛一聲風不起翠灑千峰日映煙
清涵雙澗霞通水季鷹底事却思歸豈是鱸魚輕別離

晚知^缺悔又何益灣頭釣竿君好持

寒鴉萬點落葉赤山風蕭蕭野日白池上梅花俱有情
林間茅舍元無客人言梅花知歲寒花亦偶然冰雪間
向來羣芳今欲盡蘭芽已動春將還

宿紫玄洞天

閒抬雙白鶴駕我吹玉笙去謁紫玄君飛飛入青冥石
古天風吹不剝銀漢殘波厓畔落萬年碧樹春長花花
間弭節聽天樂戲拈北斗柄細酌瑤露團八面煙霞滄

海曙四垂星月碧天寒
珊珊曉珮人間去萬頃飛塵入
揮塵徜徉九縣賣金丹
解后千秋人未度

寄題疎山寺半間禪房

往時沿沂盱母川
李花陰陰曾繫船
丰茸沙草取幽徑
叩關一禮白雲禪
千柱空廊絕人跡
蒼苔亂點蜚紅妍
松香四襲翠滴雨
江影半侵明映煙
鶴鶴流聲出巖谷
輕霏忽散風鏘然
長哦欲寫不能就
每寄清夢時周旋
秋風吹空客如仙
名山有記持相傳
迺知曇花解重現

彈指一瞬五百年經閣香臺雪幾春戲成小果留人天
先師吾鄉白雲寺卓錫尚令題榜鮮牛間之半可著我
呼童亟辦青行纏身前舊境餘一念定許鄰舍香茅編

郝思溫大字歌

號東山雪
菴高弟

東山手提雪菴筆筆中出此萬鈞力重如岱岳鎮坤維
竒如古鼎躍泗側點如滄海之碣石直如參天之古柏
曲如老龍恣盤拏橫如方城立鐵壁快如大澤斬蛇劍
妖夔幻魑咸辟易巨靈引指太華擘三千獅子座舉臂

可移得偶然揮毫人世間壯士不能擲瘞鶴銘摩崖碑
後來者誰誰繼之我嘗見龍溪之字大如箕五百年間
無此奇雪菴老東山子優鉢曇花重現世崑崙以為筆
東溟以為硯青天以為紙為我寫太平兩大字持獻天
皇九九八十一萬歲我歌爾字我老矣

題江南煙雨騎驢圖

風發發雨瀟瀟渡船未度山相招騎驢不知前路遙路
遙抵何處南山之南且穩住莫向長安街上去京尹今

無韓吏部

車碌碌

車碌碌車上行人雪中宿三更驅驢聲陸續頓憾肝腸
眩心目霜稜飛刀風激鏃荒郵無煙抱空腹橐駝不收
馬成簇暗裏低心避羣牧望斷海光上東旭木末天低
星煜煜

龍灣阻風次日舟人必行解舟風回喜賦

東風吹船行西風留船住
鬢髮黃頭郎作底使風去
蘆

篷兩扇當江開船船相趣風初回龍淵煙氣隔洲失宣
化山光隨檣來潮頭又上推船走一時便過新河口兩
人勝負篷底碁船行遲速人不知黃頭郎穩扶舵信風
宿大信肉色花枝紅采石酒波春水綠

長風沙

長風沙酒旗斜風沙有情留郎住勸郎莫向前江去前
江去轉風波牛渚圻邊須過得皇天蕩裏奈郎何郎船
但繫門前柳唱曲好歌勸郎酒與郎不是平生親憐郎

却願郎長久郎今必去當何為教郎解有思人時

山礪礪

山礪礪石礪礪一灘翻下一灘惡青衫黃帽扶招竿鉞
鋒如戟波心攢打槳失手能盪過扶竿失眼船隨破三
山城中女如花高樓酒賤多魚鰕荔支林中尋屋住上
灘難轉莫歸去

沖虛宮景真堂

怡山東麓堂靜深欲尋真景真難尋華鐘時發貞明韻

王審知時

秀木遶懸天監陰

王伯梁天監中飛昇

天風颼颼吹余髮戲

綰幽藤作條脫騎鳳簫驚烏石雲降龍劍照古山月丹
爐藥竈長周旋六時采擷三芝鮮蓬來書札失幽約幾
度歸潮深碧煙

了孃園

了孃園西禪寺裏粥鼓鳴殿前殿後荔支密葉落當埽
草久生衣裙潔峭苔鉏輕戲將苔石間敲鏗廊陰同伴
笑相謔話字難通知有情紺園花香日易晚行童遲打

昏鐘聲

古秋夜長晴雨二首

壁帶懸素琴衝牙起瑤林月寒文甃百蟲簾簾外桂花
香雪深繡茵暗輟雙龍枕紋笥密收團鳳錦西鄰少婦
少齊眉寶帳芙蓉攜醉歸獨自佳期長是誤璿霜欲下
鴈驚飛

雪浪流碧虛雨花散前除西風紅葉石欄曲盡并寒聲
歸綺疏回文讀罷雙蛾斂城上啼烏稀漏點東家嬌小

乍迎郎沈水銀篝殘晚妝燈裏鏡臺閒自照紅顏相似
夜偏長

題盧鴻十志圖

厓欲脫峰欲飛水灑灑煙燾燾石間老樹不老色翳蘿
懸陰石入黑調琴未了趣觀泉十處竒蹤日相迫紫虛
萬里丹霞開直上倒景之高臺佳雲好花滿嵩少仙友
為我今歸來莫嫌登山脚曾踏東都路姚崇宋璟可人
故不然豈肯容易出山去

擬峴臺

擬峴臺山如杯樹如苔臺前東風花亂開流雲藏雨花
間來花根得雨新綠催花枝隨雨成香泥神工鞭策不
停手七尺容形爭好醜桐林嶺頭木香酒百錢一盞當
酤否

雪中度崇仁望仙峰

游樂之溪清可沿天風剌剌山盤盤愈行愈深愈幽邃
疑有仙者棲神丹樛木怪藤鳥鳴答綠潭青壁龍嬉蟠

裴回賞愛不能已步步駐目搖荒寒寒雲平凝帟帷安
急霰亂下珠璣完忽而兩厓蒼蒼散花雪板橋石路浮
雲乾交迎密撲迷欲眩怯下疑高行自難凭澗茅房所
居雅叩門煙火相依安澄渟夜氣造寧極嬰冒曉凍追
殊觀忍觸瓏聰縱健踏喜聆環朗藏鳴湍垂絀不動偃
杉竹懸柱偶脫爭巖壑前源未窮取危磴直上百折陵
巘坳新爪痕痕過飢虎高翰葉葉遊飛鷺倏然獨立倚
霄漢波濤翻海銘銀寬雙瞳四徹洞萬境肯與塵界循

憂端蹇余看雪知幾處何如此時望仙峰上看仙之人
兮來不來浩浩元氣與我同朝餐

題五馬獵歸圖

秋野肅肅秋草萋萋天空鴈度呼鴈時一馬前行四馬
隨前者回顧相指揮最後兩人俱下馬一人拱手俯聽
之一人挈麀毛色肥角弓在弦箭在房人馬意態何遲
遲知從底處射獵歸莫是營州少年并州兒閒中貌此
知為誰筆力精勁妙莫窺我疑此畫有似汲冢古書出

蠹簡殘逸有缺遺不須完足自可寶古人日遠何由追
嗚呼古人日遠何由追

黃氏南園歌

南園花南園花白於雪紅於霞深處定有仙人家花陰
亂駐七香車山香儘舞花不老花豔直上搖金鴉瓊膏
一吸香入骨醉呵金鴉不令斜南園竹南園竹寒於冰
綠於玉割得何天土一丘炎官雖炎誰敢酷天山太古
雪皎皎蓬萊絕境風蕭蕭白鶴翻空啼一聲下占清陰

對碁局君不見古南園錦茵紅皺琵琶弦珊瑚碧樹沈
水煙嘉賓列坐鼓咽咽白石詩句吟成編放翁記文筆
如椽挾策博塞若為賢撫掌一笑睨青天不如花竹之
間汲清泉且取粟粒香芽煎

由寶塘舟行至臨汝

盧鴻十志看不足愛雪貪行雪相逐晴風吹散圯山寒
三十六陂水初綠黃洲挈得罩篷船松筠繚繞煙成淵
陂聲疊下灘聲惡鮑照却歌行路難

山中樂效歐陽公四首

東方風回春山道，趁暖行歌霽華早。
溪源露歇逢藥苗，石徑煙輕掇芝草。
紅英灑地燕將乳，綠樹添陰鶯未老。
入簍魚鰕朝赴饌，頃筐筍蕨夕供芼。
山中之樂誰得知，我獨知之來何為。
水竹沙頭閒檢校，邨邨簫鼓太平時。
堤柳綠搖新卷畫，石榴紅摺嬌裙衩。
蓮蕩風間翡翠敝，菱塘雨定鴛鴦下。
溪女浣紗朝出邨，行官飲水暮歸舍。
瓦餅手挈隔年醅，石下坐圍明月夜。
山中之樂誰得知。

我獨知之來何為空裏烏蟾飛影過桑麻課效勝書帷
空山一夜生新雨涼起賞心千萬緒扇團自守不依人
桐葉知幾尋脫路隔隴笑談雜樵牧臨流賓從惟鷗鷺
旋庖蘆菰美勝酥精浙新秔香滿戶山中之樂誰得知
我獨知之來何為青林紅樹人煙濕護得金橙密處垂
千花重作陽春節野杏山桃隨處發莫思前度看花誰
已見新墳芳草歇穆山山下數灣月華山山厓千丈雪
幽人獨在雪月中要與梅花成四絕山中之樂誰得知

我獨知之來何為除却山家新臘醞世間無事可相宜

龍霧洲

時大王有南行者

龍霧洲水油油中有驛馳南越舟庾嶺瘴天雲不收直
到海邊天盡頭天盡頭海茫茫金珠璀璨平斗量鴻毛
性命此難忘檻車何事招巫陽不如回鴈峯前鴈鴈門
舊侶年年見

秋懷

采采蘋花可佩香依依橘柚未全黃人行塞北非征戍

鴈過江南有稻梁
短笛疎鐘來別浦
亂鴉飛鷺共斜陽
西風擾擾知何似
看見黃花滿地霜

閱穆陵丙辰御賜進士詩

後代忠臣擢丙辰
穆陵魂斷北征人
長江浩浩傾吳越
九野荒荒嘯鬼神
鵑血縱乾難返蜀
烏頭未改竟留秦
琵琶絕域千年恨
青冢黃雲不識春

臨川道中

路隨一水曳長煙
秋入重雲擁亂山
過眼向來華屋處

寸心不挽盛時還紛紛世故行人亂漠漠林霏白鷺閒
忽遇長空飛驟雨春泉一派落松間

答清江皮季賢見寄

古人千里夢相求咫尺翻增隔絕愁雲護牋題醒處墨
雨深樹色綠邊樓文章正法追前哲句律新功却俗流
為問幾時談到劇壽楓南畔菊花秋

酬揭曼碩贈別

來日君前在我前歸時我獨占君先冰寒斷道鳴駝外

雪暗空邨落鴈邊畫省諸公扶日月南州孤客記山川
松聲多處黃精好舉手青霞始學仙

任城南

自愛清游自愴神五千里外獨歸身馬嘶平野呼鷹吏
犬吠寒沙射鴈人直北闕山初合凍近南氣候漸知春
蒼苔白石梅花路長憶驅車魯水濱

偶成

初啼山鳥篆香斜荏苒明時翫歲華三日雨深春在水

一林煙濕暖生花尋盟舊卷鈎簾展開禁新醕隔竹賒
却憶去年歸漸近半篷殘雪下寒沙

壬子元夕

市人

缺

啼倦鴉常年歌吹稍喧譁夜風十里滅燈影

春雪一林寒杏花凍凇漸深絨蟄戶新灘微壯奪鷗沙
西林樵客同爐炭閒試香芳品薺茶

寄鄉信

謠俗傖荒越下州西風孤旅倦悠悠酒壚女靜花落樹

魚市人歸潮滿溝鄉夢頻經關上月書題分寄海邊秋
已期待臘西邨畔春在梅花雪映洲

遇揭曼碩有贈

時特賜其父荀坡貞文先生奉教立碑

十年相隔

一作勸

忽相見

一作贈

猶記書題獨

一作狎

故人京

闕詩傳多應制里門祿

一作碑

建獨榮親梅花滿映林霏

雪柳眼初迷輦路春知是高情難去住

一作任

此身誰是

自由身

新淦畝步作

松筠色潤翠成圍
鵝鴨聲多水漸肥
隔縣販人爭野路
迎年妃女試新衣
暖煙黃柳知春到
殘雪青山伴客歸
茅屋酒旗隨處有
悠悠世事儘相違

元日

聖主龍飛肇紀元
野人相賀板扉前
不知顏色老昨日
共詫時光勝舊年
井口杏花春食雨
牆匡柳蕊暖肥煙
長溝緩繞風漪綠
林下烏犍漸受鞭

按太虛七律殊少韻致不逮五言遠甚其佳句可摘
者如蟬鳴晚日濃時樹鵝落秋烟澹處村客如種放

豈樵者師似彌明非世人四時勝日園芳草一塢春
風護牡丹鶴為乘軒能致妒馬因立仗却移尤緩尋
芳草多諳樂笑指遙岑便
說山惜金首肯不相稱也

即事

落紅瑟瑟疊蒼苔古徑無人獨到來野蝶山蜂渾不見
春風更許草花開

夕陽

夕陽盡入笛聲中兩岸樵漁一水通楊柳已疎楓漸落
黃花渾未識秋風

絕句

山似笑容向晚開
水如羅帶束林迴
世間只有閒鷗鷺
立盡寒空待我來

次史葯房池上即事韻

萬蕊蜚香百草芽
簾旌不動柳陰斜
幽禽還識欄邊客
曾立東風仗外花

登高

數峰高聳萬峰低
看到斜陽意欲迷
一朶碧雲深淺碧

殷勤只在數峰西

小齋獨坐

老蘇朱墨十分工
應笑林間遠世蹤
翠樹玄蟬秋滿院
更添何處一聲鐘

穆山

一陂凝綠倒垂天
直上層峰積翠邊
迢遞煙雲三百曲
水聲除出石門前

維揚道中二絕

淮天如水水如秋葉葉漁郎下釣舟北畔荷花南畔柳
殷勤送我到揚州

香霏滿櫂渡長溝濃著秋光淺著愁日暮女郎清唱發
鴛鴦斜拂柳邊洲

邗溝

衰柳殘荷并慘然青山隔岸弄嬋娟多情唯有邗溝水
長送江南過客船

微雨

一天微雨濕芳塵
紅綠相依幾聚春
家在海棠花下住
傷心長是未歸人

放船

晚色重重放客舟
輕風吹漾落潮流
林巒盡異來時路
知是明朝到福州

莆陽歌五絕

兩兩筠籃濕暖煙
窄衫短鬢梟行肩
到門迎著郎來早
待向街頭賣海鮮

金少卿八十二
卷八
慣得驕驄識妾家
佛桑庭院繡簾斜
鏤銀合子檳榔片
戲噴猩紅散唾花

天妃廟前斜日時
女郎歌斷綵鴛飛
林花滿地瓜船散
城裏官人排馬歸

烏石山前颭酒旗
醉來健倒日平西
蔡家石刻端明字
賣與他人作墓題

丞相堂前草暗階
尚書池上樹生臺
子魚風起秋蕪路
記得誰家甲第開

山行隨興二首

暖風吹雨濕平沙
遠色疑青草欲芽
誰是多情能愛我
野梅一路臘前花

金石臺前鴉亂飛
空濛山影出陰霏
野塘水活柳生眼
茅舍聚人迎婦歸

清江道間阻雨

峰影微昏樹影明
人煙深淺水縱橫
前時逢雪今逢雨
長在江南畫裏行

新淦藍步溪

一作畎
步作

陰靄通煙翠作霏春風入雨

一作吹入

暖成泥女郎挑菜不

知濕調笑相攜過水西

題墨菊

橘枳蘭芽玉易瑕商山一出便忘家
幾回惆悵梅花白
并有緇塵到菊花

酬友人見訪不遇

荷笠深山采藥回荆扉石徑損秋苔
花邊穉子相迎說

昨日有人騎馬來

荷花

曲沼芙蓉映竹嘉
綠紅相倚擁雲霞
生來不得東風力
終作薰風第一花

除夜自封溪歸高澗

鴛鴦翻雨戲迴溪
溪路迢遙濕翠圍
隔竹杏花紅萬點
何因知我此時歸

豫章登舟作

城南無樹識神仙閒往閒來四十年
西岸青山東岸塔
為誰相對老秋煙

象牙潭

水禽兩兩樹三三
近浦遙峰隔嫩嵐
新換一天秋色別
短篷又過象牙潭

豐城道中

江邨南北笑聲頻
紅燭花時次第新
春水漸生桃葉渡
小舟時載嫁歸人

風雨

以下四首見
元音風雅

池上風雨來柴扉人迹絕隔水煙氣生林峰半明滅
蛤吹秋草深魚驚晚荷折孤坐倚匡牀微紅隱天末

次韻甯志道表氏偕菴夜興

空庭山色重積此松桂陰微風從何來一鳥驚前林
清心有密契幽聽得遠音寒燈照孤館歲晏夜偏深


柳下

是誰安宅子占得綠楊陰山色春來長溪流雨後深樹

遙飛鳥疾人近戲魚沈舟子船頭望安知不解吟

除夜

風縈縈雨霏霏寒輕新柳潤春到落梅稀筠籃入市買
紅燭煙火松林人醉歸



元詩選二集卷八